

## **Біртұтас тәрбие. Ұлттық құндылықтар**

### **Жоспары**

#### **1.Тәрбие ұғымы**

#### **2.Біртұтас тәрбие бағдарламасы,мақсаты,міндеттері**

#### **Ұлттық құндылықтар**

Тәрбие-ұрпақты биік мұратқа жетелейтін сапалы білімнің тұғыры.Ұлттық құндылықтармен сусындап өскен ұрпақ ұлағатты болмақ.Ұрпағымызға қадір қасиет,арнамыс,адалдық,патриотизм,жауапкершілік,әдептілік,сүйіспеншілік, үлкенге құрмет,кішіге ізет сияқты қасиеттерді бойына сіңіріп шығармашыл азаматты тәрбиелеу маңызды.

Өскелең жас ұрпақты рухани-адамгершілік қасиетке баулу, тәрбиелеу – барлық кезеңде өзекті. Біздің келешегіміз – жас ұрпақ, ал ұрпақ тәрбиесі адамзаттың мәңгілік тақырыбы.

Ел ертеңі болар бүгінгі балалар мен жасөспірімдерді тәрбиелеу, әлеуметтік тұрғыдан барынша қамтамасыз ету, толыққанды білім алуына жағдай жасау, олардың құқықтары мен заңды мүдделерін қорғау Қазақ елінің ұлттық саясатының басты бағыттарының бірі.

Тәрбие мен оқыту өзара тығыз байланысты, бір бірінен бөліп алуға болмайтын біртұтас процесс. Білім беру ұйымдарындағы тәрбие пән мазмұны, сынып сағаттарының және мектептен, сыныптан тыс қосымша білім беру мазмұны арқылы жүзеге асады.

Қазақстан Республикасының Президенті Қасым-Жомарт Кемелұлы қасиетті Түркістан қаласы, Түркі елінің шаңырағында өткізілген «Әділетті Қазақстан - Адал азамат» атты ІІ Ұлттық құрылтайда сөйлеген сөзінде: «Адал азаматқа тән қасиеттер әрбір жастың бойынан табылуы керек, ұрпақтың бойында жаман әдет болса, бұл үлкендердің кінәсі»- дей келе, Әділетті Қазақстанды құру үшін: бүкіл қоғам болып жұмылу керектігін: - ең бастысы, әр азаматтың сана-сезімі жаңғыруы қажеттігін; - халқымыздың дүниетанымы және өмірлік ұстанымдары өзгеруге тиіс екендігін; - әйтпесе, басқа реформаның бәрі бекер болатындығын нақты атап өтті.

**Біртұтас тәрбие** –ұлттық,адами құндылықтарға негізделген. Бұл құжатта білім беру ұйымдарындағы тәрбие жұмысын толыққанды жүзеге асыру үшін білім алушылардың бойында қалыптастырылуы тиіс құндылықтар мен тәрбиенің мақсаты, міндеттері айқындалады. Жалпыадамзаттық және ұлттық құндылықтарды бойына сіңірген, әлемдік озық білімді игерген саналы азаматты тәрбиелеу мақсаты көзделеді.

#### **«Біртұтас тәрбие бағдарламасы» мақсаты:**

Жалпыадамзаттық және ұлттық құндылықтарды бойына сіңірген еңбекқор, адал, саналы, жасампаз азаматты тәрбиелеу.

**Міндеттері.**1.Ата-ананың өсиетін тыңдауға, отбасы татулығы мен берекесін қадірлеуге, перзенттік парызын өтеуге тәрбиелеу. 2. Ұлттық мұраны қастерлеуге, қазақ тілін, мемлекеттік рәміздерді құрметтеуге, татулық, келісім,

ынтымақ және ел бірлігін сақтауға, отаншылдық пен мемлекетшілдікке тәрбиелеу.

3. Жақсылыққа, игілікке бой түзеуге, абыройлы болуға, ар-ұждан, намыс, жауапкершілік, мейірімділік, қамқорлық пен Ұсыным әділдік қасиеттерін жоғары ұстауға баулу және құқықтық мәдениетін қалыптастыру.

4. Денсаулықты қадірлеуге, салауатты өмір салтын ұстануға, ойдың тазалығын және эмоционалды тұрақтылыққа баулу.

5. Табиғатқа, табиғи мұраға ұқыптылықпен қарауға және табиғи ресурстарды үнемді әрі тиімді қолдануға тәрбиелеу және еңбекқорлыққа баулу. Тәрбиенің кешенді жоспарын іске асыруда балалардың жас ерекшеліктерін ескеру де берілетін ұсынымдар бар. Мысалы, туғаннан 6 жасқа дейінгі бала тәрбиесі. Мектеп жасына дейінгі бала тәрбиесінде, баланың дербес әркетіне қолдау көрсету, баланың шексіз мүмкіндіктеріне сенім білдіру, баланың қызығушылық танытқан іс-әрекеттерін сынап көруіне мүмкіндік беру ұсынылады. Осы орайда мектебіміздің барлық тәрбие жұмысының мазмұнында ұлттық мүде, ар-ұят, талап сияқты құндылықтар көрініс табуда. Ұлттық мүде құндылығы Қазақстанның мемлекеттілігін нығайтуға атсалысу, оңтайлы имиджін қалыптастыруға белсенді үлес қосу, еліміздің мүддесіне, қоғам адал қызмет ету, ұлттық мирас пен мұрасына ұқыптылықпен қарап, оны белсенді дәріптеуге, қазақ тілінің аясын кеңейтуге үлес қосатын ұрпақ тәрбиелеуге тұғыр болады. Ар-ұят құндылығы адал еңбекті құрметтеу, сөзіне берік, ісіне адал болу достарына сыныптастарына, мектебіне, Отанының бір мүшесі екенін сезіну мақсаты көзделді. Талап құндылығында сыни және креативті ойлау, жеке топпен жұмыс істей білуге, жаңаны тануға құштар болу, физикалық белсенді болу, салауатты өмір салтын ұстану, технологиялық және цифрлық дағдыларды ілгерлетуге, уақыт пен қаржыны тиімді жоспарлауда нәтижелі межеге бірлесіп жетуге шақырады. Ұлттық құндылықтар-әрбәр ұлттың болмысында ғасырлар бойы атадан балаға мирас болып келе жатқан адамгершілік қағидаттары. Ғасырдан ғасырға жеткен халықтың қазынасы

Жеке тұлағаны қалыптастыруда ұлтжандылыққа, отан сүйгіштікке тәрбиелеу маңызды. Ұлттық қазынамыздың арқасында біздің еліміздің жастары салт-дәстүрлерге сай болып, тәрбиелі болып өседі. Бұндай құндылықтар арқылы халықтың рухын сақтаймыз, бірлігіміз қатая бастайды.

Осы орайда өзім тәрбиешілік етіп отырған мектеп алды даярлық «В» сыныбымызда оқушылармен «Армысың Әз-Наурыз» атты тәрбие сағатын өткіздім. Тәрбие сағатында оқушылар қазақтың салт-дәстүрлері бесікке салу, тұсаукесер, тілашар, сияқты көріністерді қойды. Ал спорттық ойындардан қол күрес, арқан тартыс ойындарымен бақ сынасты. Ұлттық тағамдар яғни наурыз көжеден дәм тартты. Наурызға арналған ән мен билерінен шашу шашты. Ұлттық мейрамды тойлау оқушыларды қазақтың салт-дәстүрін дәріптеу, ұлттық сананы көтеру рухани жақты даму деп білемін. Ұлтымыздың ертеңі жастар әрқашанда білімді, өнерлі, жаңашыл кемеңгер тұлға болуына біз педогогтердің тамшыдай болсада үлесіміз тиіп жатса біздің еңбегіміздің ақталғаны.

